



Ilokano

PAKAAMMO

Agtintinnulong ti Departamento ti Edukasion (DOE) ken Salun-at (DOH) iti Estado ti Hawaii kadagiti wagwagas a pangsaluad ken pangsigurado iti salun-at dagiti ubbing tayo. Ammomi a ti panagbalasang ken panagbaro ket tiempo ti dakkel a panagbalbaliw iti bagi, emosyon, ken pannakilangen iti tattao, ken makatulong ti pisikal nga eksaminasion tapno malappedan ti irurumsua dagiti problema iti salun-at.

Isagana ti Anakmo iti Maikapito a Grado

Dawdawaten ti linteg ti Estado nga amin nga agad-adal iti para publiko nga eskuelaan ket agdalan iti kompleto a pisikal nga eksaminasion, a maawagan pay iti well-child visit, iti uneg ti 12 a bulan sakbay a sumrek iti maikapito a grado.

Napateg nga agplano a nasapa ken mangyiskediul iti appointment para iti anakmo sakbay a mangrugi ti tawen ti maikapito a grado. Ipakaammo iti eskuelaan no kasapulam ti ad-adu nga oras gapu iti panagyiskediul.

Asino ti kualipikado a mangiwayat iti pisikal nga eksaminasion?

Ti maysa a pisikal nga eksaminasion ket iwayat ti maysa a doktor, nars, wenno sabali pay a propesional a para taripato iti salun-at.

Sagmamano ti maysa a pisikal nga eksaminasion?

No agyiskediul iti appointment para iti anakmo, dumawat iti maysa a **well-child visit** tapno maawat daytoy libre a tinawen a benepisio iti babaen ti Patient Protection and Affordable Care Act (ACA).

Ania ti mapasamak bayat ti pisikal nga eksaminasion?

Laglagipen nga itugot ti nakalukon a Rekord ti Salun-at ti Estudiante wenno Student's Health Record (Form 14) tapno makompleto ti doktor iti tiempo ti panagbisita. Usaren daytoy a tiempo tapno makapagsaludsodka ken ti anakmo iti doktor maipapan iti salun-at ken nasayaat a marikrikna.

Ania ti aramidek iti nakompleto a Rekord ti Salun-at ti Estudiante wenno Student's Health Record (Form 14)?

Isubmitir ti nakompleto a Form 14 iti eskuelaan ti anakmo inton agrehistro daytoy para iti maikapito a grado.

Sadino ti pakaalaak iti ad-adu pay nga impormasion?

Para iti ad-adu pay nga impormasion maipanggep iti rekisito a pisikal nga eksaminasion para iti maikapito a grado ken tapno makaimprenta iti ad-adu pay a kopia ti Form 14, bisitaen ti www.hawaiipublicschools.org ken biroken ti "Physical Exam".

Agyamankam para iti panangsuportayo iti salun-at ti anakyo!